

Men Dunyoga Kelib Dunyo Orttirdim

Goho o'y suraman: nima bo'larkin
 O'z zimmamga mas'ul ish olib,
 Hayotimni butkul to'kib solsam
 Bir parcha qog'ozga ishonib?
 Biroq uni yozib bo'ladimi?
 Xo'sh, manab T"yillarim, ahvolim, zotim...
 Ajrata boshlasam "o'zimniki" deya,
 Qaydan qaygacha u, mening hayotim?
 Chegarasi bormi o'y va hislarimning?
 Uzoqdagi yulduz qalbga nur solar.
 Bilaman, albatta dilshikastaman
 Ana u daraxtga bolta ursalar.
 Bugun o'ylarimni bezovta qilar
 Uzoq kosmosdagi ming yillik gardlar.
 Qachon meni loqayd qoldirgan
 Daxlsiz quvonchlar, begona dardlar?
 Sochlaringa oq tushirmadimi,
 Qalbga solmadimi jarohat
 Zaminda tikilgan har bir qora bayroq,
 Mahallaga kelgan har bir qora xat?
 Yelkamda sezaman Brunolarning
 Gulxan tafti kabi o't nafasini.
 O'ylarimda suratlantiraman
 Kelgusi asrlar qiyofasini.
 Qaydan qaygacha u, mening hayotim? -
 O'ylamabman hatto eng og'ir damlar.
 Qayg'u va quvonchim ko'p bo'ldi, ammo
 Sizsiz ular yo'qdir menga, odamlar.
 Siz bilandirmanki, bari o'zimniki,
 Chegarasi yo'qdir o'y-hislarimning.
 Siz bilandirmanki, yillar va dillar,
 Quvonchlarim ming-ming, tashvishlarim - ming.
 Men dunyoga kelib dunyo orttirdim,
 Hammasiii qoldirib ketarman.
 Qalbni esa so'nggi hujayrasigacha
 Lovillatib yondirib ketarman.
 Fabrikamning Yullari
 Onam xotirasiga

Sizni o'ylaganimda
 G'amginman bir oz,
 Fabrikamning yo'llari,
 Siz menga meros.
 Mashaqqatli baxtimni
 Sizdan izladim.
 Fabrikam xiyoboni -
 Yoshlik izlarim.
 Asfal't emas edingiz,
 Qayroqi toshdan.
 Uzoq-yaqin yo'llarim
 Sizga tutashgan.
 O'ksik bolaligimni
 Qo'msayman ba'zan,
 Siz umrimning ilk satri,
 Taqdiri azal.
 Men qayrilib boqaman
 Adashsam agar.
 Siz nurlanib yotasiz
 Ufqqa qadar.
 Fabrikamning yo'llari.
 Ko'ngil

Nimadir yetmaydi insonga hamisha,
 Ozga qoniqmaydi, ko'pga intilar.
 Jasorati cheksiz, doimo tashna,
 Yerga sig'maganday, ko'kka intilar.

Shu inson bolasi jindak ranjisa-chi,
 Yo so'zda yetmasa nafis malohat,
 Biron nohaqlikdan, biron sovuqlikdan
 Yuragiga tushsa jarohat.
 Biron sabab bilan jonidan to'yib,
 Umidsizlik solganda soya,
 Bunday paytda ko'p kerak emas,
 Bir shirin so'z unga kifoya.
 Umr Nega Shirin

Xavotirli, shoshilinch, shirin ilk bo'sa,
 Borlig'imni titratgan lahma!
 Keyin undayini topolmadim, ammo
 Hanuz yuragimda yashar shu larza.
 Qayta ko'rolmadim yetim hayotimda,
 Sira unutmadi bir onni lekin:
 Ustozimning qattiq ko'zlarida
 Ota mehrin ko'rib yig'ladim sekin...
 Bir qushcha churq etib, olam uyg'onganda
 Shabnam qatrasida ko'rdim yuzingni.
 So'ng bir umr kutdim, qaytib kelmadi,
 Bir umr izladim shu zumni.
 Shunday noyob, oltin lahzalarning
 Qadrin bilmas ekan odamlar.
 O'tib ketar ekan, takrorlanmas ekan
 Umrda yagona beba ho damlar.
 O'tib ketmasa-chi? Birdan to'xtab bari
 Muzlab qotib qolsa nima bo'lardi?
 Yo'g'-e, kimga kerak muzlab qolgan hislar!
 Orzuyu pushaymon - bari o'lardi...
 Asli shundayligi juda oqilonqa,
 Balki hayot siri shunda yashirin.
 Balki takrorlanmas bo'lgani uchun
 Umr ham shunaqa beba ho, shirin.
 Ona Mehri Kabi...

Saraton lovillab quyosh ko'rasnda
 Yonar edi kunlarb" kecha emasmi?
 Yana kirib keldi qalblarimizga
 Oltin fasl, oq oltin fasli.
 Sarin yellar bilan,
 Kumush tog'lar bilan,
 Misli bo'yga yetgan betoqat suluv,
 Yoniq, hayajonli yuraklarimizga
 Ilk muhabbat kabi kirib keldi u.
 G'alati tuyg'u bu:
 ko'hna, shirin, yangi...
 Ilk bor ko'rgandayman kuzni, dalani
 Hamma narsa sendan yosh ko'rinar,-
 Yo shunday shirimmi shuning alami?
 Boladikda qo'l uzatsam birdan
 Quyoshdek ko'riniq ochilgan chanoq
 Butun sofligi-la qalbga urilardi
 Ona mehri kabi iliq va yumshoq...
 Hozir keng dalalar qaynab yotsa ham,
 Tongdan agregatlar solsa ham g'uluv,
 Shu katta hayotning o'tli yuragida
 Sira eskimabdi shu sokin tuyg'u.
 Ha, shovqinli motor qudratidan,
 Eng nozik tuyg'ular, ezgu armonlar,
 Harir tolalardan, og'ir tonnalardan
 Uyiladi bizning xirmonlar.
 Vatan ham, biz kutgan baxtli kun kelib,
 Tog'-tog' paxtamizni qabul etgan chog'
 Kattakon qalbida bir his sezsa kerak:
 Ona mehri kabi iliq va yumshoq...
 Mukofot

Mukofotga "Volga" oldi
 Salim bobo, brigadir.
 Qaytar ekan, o'tmishini
 Eslab qoldi negadir.
 Omoch sudrab, qo'sh haydardi,
 Azob edi u hayot.
 Qarimasdi o'sha mahal
 Qani bo'lsa bitta ot!
 ... Yurgan sari yuragida
 Xotiralar ortardi.
 Og'ir o'yin yuz ot kuchli
 "Volga" zo'rg'a tortardi...
 Tonglar Izsiz O'tdi

Yashadi u, misli bir hujayrali,
 Jo'n yashadi. Sokin va oson.
 Diliga cho'g' solmas na o'yin, na ish.
 Visol orziqtirmas, o'rtamas hijron.
 U yeb-ichar, lazzat topar edi.
 Rohat topar edi uyqudan.
 Quvonchdan yuragi yorilmadi uning,
 Sochi oqarmadi Qo'rquvdan.
 Har narsani eplay olar edi,
 Qilib o'zi uchun yoqimli, o'ng'ay.
 Yonib-kuyib yurmay uylanib ham oldi,
 Pijamasi yumshoq, hovlisi kungay.
 Yuragiga uning iz solmadi qayg'u,
 Izsiz o'tib ketdi tonglar, bahorlar.
 Hayratga solmadi inson jasorati,
 Shunchaki suv edi soylar, anhorlar...
 Uni qiyamasdi xayol, muammo,
 Bir nafas lovillab dili yonmadi.
 Asta shimib yotdi kunlar shirasini,
 Hayot lazzatiga lekin qonmadn.
 Birdan...
 o'lim keldi ro'parasiga.
 O'tmay qoldi tomoqdan yovg'on.
 B'Tuzalib ketasiz...B'deb tanishlari
 Tasalli berardi.
 (Yana bir yolg'on!)

Hech biri o'limning buyuk mohiyatin
 Etgisi kelmasdi ro'y-rost tasavvur.
 Nahotki yolg'onsiz o'la olmasa,
 Unga yetmasmidi bir yolg'on umr?!

U azobda qoldi, dahshatga tushdi:
 "O'lim nima o'zi, odamzod?!"
 Nahotki u yog'i tubsiz zulmat bo'lsa,
 Nahotki, nahot..."

Hoy, o'lim nima, deb bosh qotirgandan,
 Hayot nima, deya qilsayding tashvish...
 Hayot axir nechog' sayoz, mayda bo'lsa,
 O'liming shu qadar sovuq va mudhish..
 Oliy Butunlik

O, ona tabiat!
 Sen bilan yak sonman,
 Sen mening erkimsan, mening qafasim.
 Jonim shirinligi, tirikligim sendan,
 Sof havodan olgan nafasim.
 Tug'ishganlik hissi yo'l qo'ymaydimi,-
 Odatmas quyoshga aytmoq tashakkur.
 Har tong qarshisida tiz cho'ksam arzirdi,
 Yorug' dunyom mening, ko'zimdag'i nur.
 Sezaman ekinlar tanasidagi
 Sharbat bo'lib oqqan rizqimni.
 Naykamalak, gullarb'T'mening hislarim,
 Bahor yangilaydi hayot ishqimni.
 Yer issiq, yer yumshoq, o'zim ham yerdan,

U ko'rinmas menga bir marrasimon.

Yo'q, men abadiyman.

Menga o'lim yo'q.

Tirik tabiatning bir zarrasiman.

O, hayotning oliy butunligi!

Insonga ufqlarni kengroq och,

Jamiki dardlarga malham o'zingsan,

Azobli o'ylarga yog'du soch.

Azobli o'ylarga yog'du soch...

Bilsa Edim Shuni

Oramizda zilol bir ko'l bor,

Kuzning tiniq zangor ko'zicha.

Faslarday quvlashamizu,

Qish o'zicha ekan, bahor o'zicha.

Bir-birimizga yeta olmaymiz,

Bir-birimizdan keta olmaymiz,

Tong bargida salqin bir tomchi,

Keksa quyosh uni yutadi.

Shu tomchi ertaga yana tug'ilib,

Mo'ldirab quyoshni kutadi.

U bo'lmasa go'yo quyosh yonmasmish.

Chin ehtiros sira qonmasmish.

Bir-birimizni qo'ya olmaymiz.

Bir-birimizdan to'ya olmaymiz.

Kapalakmi, tosh haykalmi mening

O't ichida o'tgan uch tunim?

O't ichida o'pgan yulduzimda

Qolsa edi tirik uchqunim!

Qolsa agar tirik uchqunim,

Xotirangda yashab qolardim.

Bilsa edim shuni, mangulikni ham

Mana shu oqshomday kutib olardim.

Qiynalish

Kitoblarim varaq-varaq,

Siz qaylarda sarsari?

Umrin edi yashil daraxt,

Sizlar uning barglari.

Men siz bilan nafas oldim,

Dard bilan yaraldingiz.

Har gal o'ksib qoldi qalbim,

Yellar-la taraldingiz.

Oppoq bulut suzib o'tdi,

Yana tomchi tommadi...

Nahot bunga ham ko'nikdim,

Dardli o'ylar qolmadi?

Mayli, agar to'ymasa

Dilimning qaqrqlari,

Dovul tursin, to'kilsin

Umranning yaproqlari...

Asliga To'g'ri

Hissiyot to'g'risida ratsionalistik she'r

Tarmashib oladi ba'zan o'ylarning

Yopishqoq, bekorchi, mash'umi,

Shunda ta'kidlaymiz biz o'zimizga:

"O'ylama, o'ylama, o'ylama shuni!"

Odam hamon o'ylar, o'yni quvolmay,

O'zi biladiki, yo'qdir keragi,

Ajab, hayot bilan singishib ketmoqqa

Aqlu idrok xalal beradi.

Ba'zilar uyquda oydin kechalar

Tomning bo'g'otiga chiqib yuradi.

Shu mahal bir zumga uyg'onsa bormi -

Yiqilar, yorilar balki yuragi.

Ajab, hayot bilan bir butun bo'lmoqqa

Aqlu idrok xalal beradi.

Mast qilganda bo'sa lazzati,
 Dilni favqulodda quvonch yayratsa,
 Yoki yo'lida bir zum to'xtab tursak
 Tong husniga qolib hayratda,
 Sog'inganda, visol damlarida
 Bebos hislar bilan yurak orziqsa,-
 Bunday mahallarda birdan kelib qolgan
 Har qanday aqli fiqr ortiqcha.
 Hayot mohiyati to'g'risida bizga
 Savollar beradi aqlimiz yakkash.
 Hislar esa yashash kerak deydi,
 Javobi ham shudir: yashash va yashash.
 Fojiani tan olmaydi hislar,
 Quyosh ko'lankani ko'rmaydi abad,
 Xuddi shunday, hayot ham o'zining
 Mahkum ekanini bilmaydi albat.
 "Chin aqldan" emas, "chin ko'ngildan" deymiz.
 Faqat yurak bilan sevamiz,
 Va muhabbat degan o'sha ko'hna so'zga
 Hamon sig'inamiz va bosh egamiz.
 Men dunyoda ming jild kitob o'qib,
 Topmadim bir ko'ngil risolasini.
 Farzandlar maqsadsiz, rejasiz,
 Qasamyodsiz sevar o'z onasini.
 Hissiyot hayotning asliga to'g'ri,
 Idrrk goho yaqin, goho yiroqdir.
 Hayotga muhabbat va yashashning o'zi
 Hayot ma'nosidan ulug'roqdir.
 Ular Ulgurdilar

Ne-ne savob topib, ne gunoh etdi
 To'qsonida tetik, hayot bo'lganlar.
 Hech narsaga ulgurolmay ketdi
 Yigirma yoshida halok bo'lganlar.
 Yo'q, yo'q, ulgurdilar yosh bo'lsalar ham,
 Inson qodir bo'lgan eng buyuk ishga:
 Ular ulgurdilar eng muqaddas dam
 O'zni Onayurtga qurbon qilishga.
 Onani Koyimaydilar

Oramizda uzoq-uzoq yo'llar;
 Senga intilaman bog'lar gullasa,
 Ammo yo'llar... yo'llar mayli edi,
 Oradagi yillar bo'lmasa.
 Seni o'ylaganda o'sha yillar go'yo
 Sekinlatar qalbim zARBini.
 Ular meni behudaga chorlar,
 Yaradek og'riydi har biri.
 Lekin men ularni koyimam, chunki
 Taqdir bo'lib qolgan zamona.
 Orqamdan kuzatar meni, onamdek,
 U meni tuqqandir, chindan ham Ona.
 Jimlik Suroni

Yaylov oqshomining epkini ildam,
 Yulg'un keragalar asta g'irchillar,
 Kun bo'yи egardan tushmay, tolsa ham,
 Tun yana bezovta yosh yilqichilar.
 Olonda oq, qizil kiygan qiz-juvon
 Shov-shov shopiradi biya sutini.
 Oqshom tinch, bosilmas dildagi suron,
 Nelarni eslatar tezak tutuni?
 Vaqirlab go'sht qaynar qora qozonda,
 O'tov atrofida itlar sanqigan.
 Qizlar shivirlagan o'sha olonda
 Yangi qimiz xidi anqigan...
 Oqshom ko'rinishda osuda, so'lim,
 Lekin u bir olam o'y, sir saqlaydi.

Ingichka kishnasa uzoqda qulun,
Biyaning ko'zida yulduz chaqnaydi..

Orzularning manguligin o'ylab,
Yuragimga g'uluv tushadi.
Kun bag'ridan chiqib bizning ekipajlar,
Zim-ziyo koinot sari uchadi.
Yerda esa hamon qadimgicha
Ertaklar kuylaydi g'irotlarini.
Qorong'i burchakdan chiqib parvona
Shamda kuydiradi qanotlarini...
Yaylov Tongi

Kel, jonginam, birpas o'liraylik
Jimlikning sehrida mastona.
Bu tun go'yo faqat ikkimizniki,
Bu tun mangulikka go'yo ostona.
Qirda suruvlarning dupuri tingan,
Qo'ychivonlar yoqqan gulxan o'chibdi.
Saksovul cho'g'kning uchqunlari esa
Yulduz bo'lib ko'kka ko'chibdi.
Yaylov tuni muncha ulug'vor,
Muncha sokin bu dala-tuzlar!
Bir seskansang go'yo shu zumda
Duv to'kilar yerga yulduzlar.
Tizzamga boshing qo'y.
Oyning kokillari
Ufqlarga tushdi taralib.
Ko'zlarining sehrida
mening taqdirim,
Sochlaringga qolgay o'ralib.
Yaylov dengizini kechar oppoq tong,
Nega qalbing jindak entikdi?
Ana, oq nur tushdi:
maysada kimdir
Ro'molchasin unutib ketibdi...
Qadimiylar hislarni chorlab uyg'otar
Uzoqda kishnagan toy-do'nan.
Sog'inishlar, nozlar takrorlanar,
Yozlar takrorlanmas, jonginam.
Kel, jimgina birpas o'liraylik,
Qo'zlarining yana tong husnidan ol.
Tonglar...
Tonglar hali oldimizda ko'p,
Lekin munaqasi bo'lmas e'timol.
Umid

Kuz ertasi. Namgarchilik,
Hazon biqsib, tutun taralar.
Oyoq ostib "chilip-chilip",
Zirqiraydi eski yaralar...
Bor umringni o'ylaysan qayta,
Nimadir yurakni ezady".
Imoni sustroqlar mana shunday paytda
Yashashdan bezadi.
Ammo sen boq hayot dengiziga:
U o'jarlik bilan qilar ishini.
Razm solsang, har dam o'ziga
Ming-ming iplar bilan bog'laydi seni.
Fasllar almashar,
dolg'alanan havo,
Qarg'alar tovushib "qishning daragi.
Trotuarda
bukchaygan bir bobo
Yosh ko'chat ko'tarib o'tib boradi.
Niholni avaylab mahkam ushlagan
Tomiri bo'rtib chiqqan titroq qo'llari

Xayolida balki
olamni xushlagan
Bahor,
bodroq-bodroq o'rik gullari.
Ko'm-ko'k shovullashi balki qulog'ida,
Ko'ksi bilan sezar soya-salqinin.
Sovutgisi kelar ko'ngil bulog'ida
Saratoning lov-lov yolqinin.
Boboning umrida ko'p bo'lqandir baxt,
Lekin baxt o'tkinchi,
Umid - abadiy.
Keksa qo'llardagi mana shu daraxtb"”
Ertaga kimningdir tolei kabi.
Boboning ko'zida umid yaltirar,
Ko'chatni ko'tarib shoshib boradi.
Mahalla ustida hamon qaltirar
Bebosh bolalarning qog'oz varragi.
Adolat
Yangi yilda chollar gurungi

- Mana, umrimizdan yana bir yil ketdi.
Bandasi bilmay ham qoladi.
- Shu kunga yetkizdi, shukr qilaylik,
Egam o'zi bergen, o'zi oladi.
- Olib, nima, yeb ketarmidi?
Fahming yetmadimi yo shunga:
U umringdan olgan o'sha bir yilni
To'kmay-sochmay qo'shar yoshingga.
Qalbim Noziklashdi

Yangi yilning yaqin oppoq tuni
Bolalar orziqib tunni kutadi.
O'tgan yili uchgan nafis qor uchquni
Yangi yil sarhadin buzib o'tadi.
Bolalar hovliqib yangi yil kutadi,
Menga esa yil kuzatish - g'am:
Qilt etib uzilgan bitta yaproq ham
Naq qalbimga tegib o'tadi...
* * *

Hayot shunday mo"jizaki,
Qancha jabrin tortsang oz.
O'lim esa uning uchun
Arzimas bojdir, xolos.
Ekskavatorchi

Ekskavatorchi tuproq ag'daradi,
Qum daryoday oqar po'lat kovshidan.
Uning rotorlari shunday dag'dag'ali,
Sahro ufqlari titrar tovushidan.
Tortadi metindek qatlamlar tagi,
Ko'zlardan o't chaqnar chag'irligidan.
Tomirlari bo'rtar uzoq sexlardagi
Oltin misqollarning og'irligidan.
Yer tugamas, hamon qazir oshnam.
O'n yillardan beri shunday kovlaydi.
Go'yo ona-Yerdan ajdodlarning ham
Haqqi-huquqini dovlaydi.
Oltin unga, chog'i, muhimmas uncha,
Men tushungandyman goh niyatiga:
Kovlar mohiyatga toki yetguncha...
Inson hayotining mohiyatiga.
Inson

Sen kashfiyot yolqini, otash,
Asriy zulmatlarda bir yorug' nuqta.
Barcha mayjudotlar qalbingga tutash.
Bir oddiy giyohning oldida to'xta.

Ariq shildirashi, barglar shiviri
 Senga jon ozug'i, ruhingga dardkash.
 Gullar bilan so'rash, hidlab har birin,
 Kapalaklar bilan suhbatlash.
 Javob bermasalar gapingga, mayli
 Sovuq yulduzlarga tikilganda goh,
 Bilginki, qalb qo'ri jonlilar tufayli,
 Jonlilar jonliga doim xayrixoh.

* * *

Ko'p suzdim, bilaman dengiz shukuhin.
 G'oyibdan tinglayman teran sasini.
 Ters turib sezaman ulug'vor ruhin,
 Ko'raman ko'rkini, jozibasini.
 Men seni o'yladim bugun sohilda,
 Hech kimga tenglamam, tengsizsan.
 Ketgansan. Ammo sen doim yonimda,
 Dengizga o'xshaysan. Dengizsan.

* * *

Ufqlardan qalqib ko'hna Amur
 Ohista, cho'yanday eshilib oqar.
 Narigi sohilda hali quyosh yonur,
 Keksa nanay unga entikib boqar.
 Biz ozmiz. TiriklarBiz ko'zning nuriday,
 Ulganlarni doim yodda tutamiz.
 Tug'ilmaganlar ham dilning to'rida,
 Taraddudlar bilan kutamiz...-
 Men shunday o'yladim: "Bunday elatni
 "Kichik" deya atash kerakmi?"

* * *

Tegirmon toshining o'qida orom.
 Orom girdibodning qoq o'rtasida.
 Joziba tegrasibBiz sa'yи badavom,
 Shunday bir holat bor ishq o'lkasida.
 IshqbBiz orom izlash, mushkul va shirin,
 Charxi gordon, xullasi kalom.
 Sening ko'zlariningda orom yashirin,
 Atrofingdagilar shundan beorom.
 Inson Ertagi

O'tib ketdi. O'tib ketdi lahza.
 O'tib ketdi, men qarab qoldim.
 Na hayajon menda, na olamda larza,
 Nega achchiq faryod chekmaydi qalbim?
 O'tib borar zumlar, o'tib borar,
 BiribirBuyuk, qay biri oddiy.
 Biri uchar mangulikka qarab,
 Biri vazmin va qariyb moddiy.
 O'tib borar, yelib borar tikka,
 Barini barobar yeldirar bir kuch.
 Biri to'ppa-to'g'ri uchar yo'qlikka,
 Shuursiz va ayanch, salmoqsiz va puch.
 Puchmi-to'qmi - har kim baholasin,
 Chunki bu aslida inson ertagi.
 Uchayotgan planetada odam bolasi
 Yo unday, yo bunday o'tib ketadi.
 Tush

Men bir tush ko'ribman.
 Ajab zamonlardan.
 Jahl ustida o'sha so'z aytilmaganmish.
 Hali ko'ngil holi pushaymonlardan,
 Ahdu va'dalardan qaytilmaganmish.
 Visol zoriqtirar, zardalar shirin,
 Yolg'izlik alami hali notanish.
 Bilmay qovushuvning mangulik sirin,

Dillar bir-biriga quvonar emish.
 Ko'zlarning ko'zgudek begunohligi
 Tirik emish, tirik va abad.
 Mening insonligim, sening ilohliging
 Va bizni teng etgan o'sha muhabbat.
 Oldinda uzoq yo'l, uzoq umrning
 Achchiq-chuchuklari xayolda ham yo'q.
 Hali issiq emish yonimda o'rning,
 Hayot mo"jizalar sehriga to'liq.
 Bilmasmishman yaqinligin jo'ngina turmush,
 Butun bir umrni yamlab yutgan on,
 Va so'ngra... vaqtning, xuddi yengsimon,
 Astarin ag'dargan bu g'alati tush...
 Tun Uy Surar

Bizning bog'da oqshom paytlari,
 Iig'ib olganida kun shu'lasini,
 O'tlar orasida yashil chigirtka
 Boshlaydi tinimsiz ashulasini.
 Bu kichkina jonning so'zsiz qo'shig'in
 Asli fidoyilik desa bo'ladi.
 "Hayot bor..." B'T tun bo'yи o'jar bir ta'kid
 Katta sukunatning jonli bo'lagi.
 Shu chirillash borki, nazarimda,
 Tun o'y surar, tabiat tugal.
 U bo'lmasa so'qir kechalari
 Ruhimiz huvillab qolardi har gal.
 Qashshoqroq bo'lardi tun manzarasi,
 Bunday sehriy ta'sir etmasdi
 Ham umumjahoni garmoniyada
 Bir azaliy ohang yetmasdi...
 * * *

Bizning bog'da chiqsang oqshom sayriga,
 Yo oralab yursang sen ishkomlarni,
 Cho'chitmagil sevishganlarni,
 Osmonlarda sezsin o'zni, mayliga.
 Bu lahzalar bir umrga tatir,
 Bu lahzalar sinar yoshlik sabrini.
 Biz shularni ko'rib bilamiz axir
 Tungi yulduzlarining qadrini.
 Olma To'kildi

Meva to'kiladi. Bog'lar dimiqqan.
 Tunlari "top" etib olma tushadi.
 Tonggi o'ylarimday tinib-tiniqqan
 Og'ir sukulatning bag'rin teshadi.
 Bo'g'iq, uzuq tovush. Unda nimadir
 So'zlaydi hikmatdan, qismatdan.
 Kimningdir uyqusin buzar, kimgadir
 Zaminning joziba kuchin eslatgan...
 Men sezaman unda sehriy alomat,
 Shoshqin, ehtiyyotkor tovush... Sen mudrab
 Kutasan... Odamning hayoti uzra
 Nimadir turadi shunday omonat.
 Qachondir sarflangan kuch uni avval
 Asta kimirlatar... Uzar bandidan.
 "Top-top" degan sari yo'qotganday har gal,
 Ona ayrıladı bir farzandidan.
 Uzuq, bo'g'iq tovush... Unda nimadir bor
 Qadimiý dunyodan, qismatdan.
 Yetilish, paymona, muddatdan...
 Olma to'kiladi. Uylar beqaror.
 Xay, to'kilish uchun har zot pishadi.
 Olmadek sehriy charx aylanar.
 Fasllar davrasi yana tugallanar...
 Tonglari "top" etib olma tushadi.
 * * *

Azizim Aleksandr Udalovga

Bog'da, uzoqlardan keltirib, do'stim
 Bir qayin o'tqazib qo'ygandi.
 Shu mehmon o'z tenggi chinor yonida
 Ertabahordayoq asta uyg'ondi.
 Uyg'ondi-yu, hamon ko'm-ko'k uyqusini,
 Mayin uyqusini quvlayotganday.
 Es-es xotirlaydi o'rmonlarni go'yo,
 Tushda ko'rdimmi, deb o'layotganday.
 * * *

Bizning bog'da har tong asta yangrar
 Muhabbat qismati to'g'risida kuy.
 Horg'in ko'zlarimni yuvar ohanglar,
 Nazarimda, kuychi jindek xudojo'y.
 Kuy g'amgin bo'lsa ham, bechora netsin,
 Uyqusiz tunlarim yolg'iz emasman,
 Rahmatdan o'zgani unga demasman,
 Shuncha orziqtirgan vasliga yetsin.
 * * *

Bizning bog'da birinchi qor yog'di.
 Uyga yomonliklar kelmaydi sira.
 Sen mening qorimsan, birinchi qorim,
 Go'yo butun olam senday bokira.
 Butun olam shunday oppoq tinlik,
 Bahor gullarining hidi keladi.
 Bahor gullaridek, qor tagida mudrar
 Odamlarning ezgu tilagi.
 * * *

Bizning bog'da tun cho'kkkan mahal
 Qalbni uvishtirar ukki nolasi.
 Birov der, u chorlar badbaxt qismatini,
 Birov der, qarg'armish o'gay bolasin.
 Musibatday sovuq, uzoq, goh yaqin,
 Balki gado folbin, balki jinnidir.
 U o'zi begona ko'zdan yashirin,
 Lekin chaqiradi hamon kimnidir.
 Betinim sannaydi, nazarimda tunni
 Qora bo'laklarga bo'lib chiqadi.
 Nimaga o'xshatsang, nima desang ham
 Bir g'amgin afsona bo'lib chiqadi.
 Oqlolmagan emish ona sutini,
 Oq sut tilar emish, degan gap...
 Bu hambB"ertak. Shunday so'lim tunda
 Ertak ro'parangdan chiqsa ne ajab!
 Hayot shu ekan-da: yog'du va zulmat,
 Qishu yoz, o'ngu tush, tirik va o'lik...
 Shusiz bo'lmas ekan tugallik sira,
 Hatto qush na'masi: go'zal va xunuk.
 * * *

Bizning bog'da shifobaxsh o't bor,
 Xalq uning otini bargizub demish.
 Chunki o'sha o'tni tunlari bedor
 Yulduzlar nur bilan sug'orar emish.
 Siz bilasiz mening yonishlarim,
 Satrlarga ko'chgan qalb cho'g'imni,
 O, yulduzlar, tungi tanishlarim,
 Nur bilan sug'oring shu qo'shig'imni.
 Ehtimol, shunda u biron kimsaning
 Yurak yarasiga malham bo'lardi.
 Guldek ochilardi zamin . insonning
 Atigi bir zumga arisa dardi.
 * * *

Qaynim Ahmad halok bo'lgan qishloqda

Shabboda ovulni oralab o'tdi,
 So'nggi rutubatni bog'lardan quvlar,
 Yana gurkiratar qalbdagi o'tni.
 Oq yo'l sizga, ey toshqin suvlar!
 Ertalabki tuman vaznsiz, harir,
 Undan narib B"qirlar, sening qirlaring.
 Yoshliging tentirar qirlardan nari,
 Sening yashamagan esiz yillaring.
 Unda toshlar yonib kul bo'lgandi.
 Yana boshoq undi, salmoqli, yirik.
 Bahor bu yerlarga yana o'rgandi,
 Sen ardoqlab qolgan mo"jiza tirik.
 O'sha yoqdan kelar yoshlik daldasi,
 Dardli xotirani dildan taratgan.
 O'sha yoqdan kelar bahor shabbodasi,
 Hislar, kuylar oqar o'sha tarafdan.
 * * *

Naykamalak, sizcha, spektrlar xolos,
 Vibratsiya, deysiz, qushlar na'masin.
 She'r esa, mana qalam bilan qog'oz,
 Programmalashgan harflar yig'masi.
 Hayot-chi, oqsilmi, kislotami, nima?
 Yurak B"nasos, hilol B"oddiy kul...
 Gilosday lab emas, hujayra, to'qima,
 Gulni nima deysiz, gul-chi, gul?
 Balki formuladan iboratdir dunyo?
 Nima deysiz tongni, tumanni?
 Unday bo'lsa, men-chi, men ham yo
 Modda almashinish ob'ektimanmi?
 B"Yo'q! B"degim keladi, qisiladi yurak,
 Menga sir qoldiring, haqqim dovlayman
 Menga go'zal, sehriy dunyo kerak,
 Sirru mo"jizasiz yashay olmayman!
 Darbadar

Yulduz bo'sasiga Yer ko'ksi ochiq,
 Abadiy qovushgan dengiz-la osmon,
 Hatto chaqmoq zulmatlarga oshiq:
 Faqat shamol yolg'iz, beoshiyon.
 Faqat shamol yolg'iz, yerda darbadar,
 Faqat shamol hamon juftin izlaydi.
 Daralarda izg'ib, tunga naqadar
 Ozor bergenini o'zi sezmaydi.
 Kezadi tog'u tosh, changalzorlarni,
 Kimnidir chaqirar hamon telbaday.
 Darg'azab yulqinib, goh zorlanib
 Goh norday quturib, goh yelvagay,
 Bog'da, sohillarda, qirlardan pastda
 Suluvlarning sochin siypab taraydi.
 O'tli siynalardan sirg'alib asta,
 Xumor ko'zlariga to'yib qaraydi.
 Yana ketadi u, kimnidir istab
 Va qo'rqib qalblarning yonishlaridan.
 Begona yotoqlari hidini iskab,
 Mo'ralar deraza tirqishlaridan.
 U maskan topolmas maskan tark etib,
 Ruhi hech qayerga sig'maydi.
 Keyin, Majnun kabi, sahrolarga ketib,
 Uzoq-uzoq yolg'iz yig'laydi.
 U minglarni chorlab yalingan emnsh,
 Ammo qalbida yo'q hech kimga vafo.
 Shundan, u topilmas ishqning bedavo
 Mangulik dardiga chalingan emish.
 Uchish

Uzoq zamonalarda

Irg'ay tol egib,
 Yoy yasadi odam,
 O'q otdi.
 Shunda ilk bor
 Uchish dardi tegib,
 Oromini butkul
 Yo'qotdi.
 Uni chaqirardi
 O'zga olamlar.
 Keyin, Kalugada
 Tunlar beuyqu,
 Planetani uyg'otmasdan,
 Asta qadamlab,
 Yo'lning yarmini
 Bosib o'tdi u.
 O'ylarida unib
 Idrok atomi,
 Fazo birdan
 Go'yo kichraydi.
 U uchdi.
 Olamni tutdi shovqini.
 Ufq
 xuddi yoydek
 Hamon titraydi...
 O'tar-Ketar...

"In ham meguzarad!"
 Donishmandga balli.
 Demak, hech narsadan bo'lmaylik xafa.
 Qanday allalovchi, oson tasalli,
 Qanday yupatuvchi, o'ng'ay falsafa!
 In ham meguzarad...
 orom, orom quching.
 Hayajondan saqlang yurakni.
 Lekin hayajonning o'tishi uchun
 Axir jindek fursat kerakmi?
 In ham meguzarad.
 Tugib oling dilga,
 Chindan, hamma narsa, so'zsiz, o'tadi.
 Lekin hamma narsa o'zi bilan birga
 Umrning bir qismin olib ketadi.
 Umr? In ham meguzarad, balli.
 Bundan ham hech bo'l manglar xafa.
 Qanday allalovchi, oson tasalli,
 Qanday yupatuvchi, o'ng'ay falsafa!
 Axir, "o'tar-ketar", bubs"vaqt haqida,
 Bir nima o'tguncha fursat kutamiz.
 Umrguzaronlik ko'hna aqida.
 Aslida, vaqt o'tmas, bizlar o'tamiz...
 Tezroq yetsaydim, deb, yillar yo'qotamiz,
 Go'yo vaqt tez o'tsa yutamiz shuncha.
 Ranjitarimiz, so'ngra yupatamiz,
 Ammo fursat kerak dil yozilguncha.
 Alam bosilguncha fursat kerak, fursat,
 Og'riq tuzalguncha fursat kutamiz.
 Fursat kerak baxtimizni kutsak;
 Orzu ushalguncha fursat kutamiz.
 Mevani o'yaylimiz dillarda ming-ming
 Xushbo'y kapalaklar qurganda maskan.
 Biz visol kutamiz goh yolg'izlikning
 Dardchil lazzatini qadrmasdan.
 Kunning chala-chatti quroqlarini
 Iig'ib, ertagacha uchmoqqa shaymiz.
 Doimo kalendar' yaproqlarining
 Hazonrezgisida yashaymiz.
 Saxovatdanmikin "o'tar-ketar" deb,
 Umrni bemalol bunday ulashsak?
 Oldinda mangulik bizni kutardek,

Hozirgi har lahma uchun kurashsak.

Yer

Yerga men o'zimni jondosh sezaman,
"Tuproqdan bo'lgan"im tufayli emas.
Shunchaki, men uchun hamma narsadan
Insonga marhamat hissibB"muqaddas.
Yerning tashvishlari bitmas hech mahal,
Halovat istasak biz undan topdik.
Bir kiftin silkisabB"gul, meva, asal,
Bir kiftin silkisabB"qor, bo'ron, soflik.
Istardim, inson ham Yerga faqat don,
Muruvvat, saxovat urug'in eksa.
Hech kim o'ksimasa, hammaga yetsa
Ko'k gumbaz ostida to'kin dasturxon.
Nazirimda, men ham yerni dehqonday
Haydab, har qadamda ma'nou izladim.
Ehtimol mendan so'ng bir tomchi qonday
Yonar marzalarda qolgan izlarim.
Yerga men o'zimni qondosh sezaman;
Tuproqdan bo'lgan"im tufayli emas.
Shunchaki, men uchun hamma narsadan
Insonga marhamat hissibB"muqaddas.
Hatto, to'g'ri bo'lар qalbdoshman desam.
Toshni qayga otsang yerga tushadi.
Shunga o'xshash, do'stim, kimga ozor bersang
Qalbim achishadi.
Konda

Quyosh tafti,
Ko'k dengizda yelkan,
Qahraton sofligi,
Bahorgi tomchi...-
Bularning astoydil qadriga yetgan
Yagona insondir, nazdimda, konchi.
Bunda na kunu tun va na fasllar,
Bosh uzra qora yer, zalvarli, qat-qat.
Undan ham og'irroq zulmat, sukunat,
Faqat tirgovuchlar asta qisirlar...
Bir-birini yo'qlab, nedir so'zlaganday
Manglaylarga qo'ngan karbit yulduzlar.
Shoir har bir so'zdan o't izlaganday,
Konchi yer qa'rida toshdan o't izlar.
Men bunda bildimki, har yulduzbB"odam,
Yulduz zamyrida bir inson shaxsi.
Bildimki, ko'mirdan yaratilsang ham
Zulmatda nur bo'lish naqadar yaxshi!
Bildimki, mehnatda, so'zda va kuyda
OlovB"teranlikda. Undan ham nari!
Bildimki, konchini kutarlar uyda
Ko'kdan kosmonavtni kutgan singari.
U Bahorda Ketdi...

U bahorda ketdi, seni yig'latib,
Xush buyga to'lganda bog'lar, qo'ralar.
Umid tomchilar achchiq va latif,
Boshda olcha guli tinmay bo'ralar.
Uzoq ko'z o'ngingda turdi o'sha dam,
Yoz o'tdi shu damning -hislarin sinab.
Loqayd edi unga kunlar, oylar ham,
Kuz o'tdi yonidan yotsirab.
Qish keldi, qor bosdi yarim olamni,
Qor ostida qoldi bog'lar, qo'ralar.
Yelg'izlik tunlari sovuq, alamli,
Qor esa bo'ralar, hamon bo'ralar.
Shunda u ko'rindi ketgan yo'lida.
Mehr izlab qaydadir balki tilangan,
Tavbadir, umiddir balki dilida,

O'zi boshdan-oyoq qorga belangan.
 Yodga kelmay qiynar unutilgan q'shiq;
 Ostanada turdi. Qor yuz-ko'zida.
 Qor erigach, ko'rding: o'rnidas $\ddot{\text{B}}$ "bo'shliq
 Jindak ko'lmaq qoldi oyoq izida.
 Ayajonimiz

Titrab yangrar edi ufqlar tongda,-
 Go'zal kuylar edi ayajonimiz.
 Bulutlar to'lg'anar edi osmonda,
 Jajji yuraklarda - hayajonimiz.
 Quyni qari-qartang mukka tinglagan,
 Bunda ojiz edi har qanaqa so'z.
 Urush mo'ralardi qo'lsiz yenglardan,
 Yupun xirmonlardan - bebaraka kuz.
 Ayam ko'kka qushday intilar edi,
 Etagidan ushlab diydirardik biz.
 Yashil ko'saklarda mo'ltillar edi
 Chala qolgan kuydek bolaligimiz.
 Bulutlar bezovta edi osmonda,
 Jajji yuraklarda $\ddot{\text{B}}$ "hayajonimiz.
 Dadamizni eslab shunda har tongda
 Mungli kuylar edi ayajonimiz.
 Kuy bo'lib uchmoqni qilardi orzu
 Dadamni bir ko'rish qasdida.
 Ammo qanotlarin yozolmasdi u,
 Chunki biz bor edik qanot ostida.
 Bolalik

Ilk tong nuri kiprigingga qo'nar,
 Ko'kdan yuvib ketar qora uyquni.
 Qayerdadir so'nggi yulduz so'nar,
 Shabnamlarda qolar uchquni.
 Sen olamni ilk bor ko'rayotgandek,
 Tug'ilish chog'iga bo'lasan guvoh.
 Hayot endigina kurtak otgandek,
 U hali bir go'dak, sof va begunoh.
 Lekin birpasdan so'ng bularning bari
 Xuddi bolalikday qoladi ortda.
 Bolalikda ko'rgan tushlar singari
 Xotiralarga qolar hayotda.
 Unga kirib kelar tutun va g'uluv,
 Terdatar tashvishlar, terlatar quyosh.
 Olam yana o'sha chalkash va ulug',
 U yana qadimiy, unga million yosh...
 Orzu olg'a undar, xotirab $\ddot{\text{B}}$ "ortga,
 Bular bir-biriga, albat, zid narsa.
 Lekin, oh, qaniydi har tong hayotda
 Chindan bolalikka bizni qaytarsa!
 Hoy-hoy, keling, $\ddot{\text{B}}$ $\ddot{\text{B}}$ "deya, $\ddot{\text{B}}$ $\ddot{\text{B}}$ "o'sha kunlarim!-
 Yaxshiyu yomonin birga to'plardim.
 Mushtlashgan, do'stlashgan jo'ralarning barpn,
 Tanish qushlarimni yo'qlardim.
 Changli so'qmoqlarim tanib olar edim,
 Chashmalar, oqshomlar, lolazorlarim,
 Tanib olar edim gulingizning hidin,
 Qirqqokil sinfdosh dilozorlarim.
 Ko'rardim yoshgina onajonimning
 Yuzlari ajinsiz, dilbar chog'ini.
 G'amli, hayajonli har bir onimning
 Yangilab dildagi yog'du, dog'ini.
 U bilan chiqardim $\ddot{\text{B}}$ "dalalar gilam,-
 Yana uzoqlarga bir ko'z tutardik.
 Hamon jindakkina ilinj qo'ri bilan
 Dadamizni jangdan kutardik...
 Bolalik... umrning sehrli dami;
 Kim biladi deysiz bu holning sirin:
 Achchiq-bo'lsa hamki lablarda ta'mi,

Qalbda xotirasi shu qadar shirin!

Qirda

Oydin jimlik kumush jarangsimon
Yana boshoqlarni shu'laga chaydi.
Tushib qolgan dondek, men ham bir zamon
Shu ona tuproqda unib chiqsaydim.
Koinotda porlab ko'rinati
Somon yo'l singari inson xayoli.
Inson o'zi hamon yerda urinadi,
Vodiya anqiydi arg'uvon boli.
Inson kuzatadi moviy dengizni:
"Qaysi sun'iy yo'ldosh, qaysi sayyora?"
Ammo qo'shni kapadagi o'roqchi qizning
Nozli kulgisidan qalbi chilpora.
Avf eting uni, porloq yulduzlar,
Inson Yerda xuddi daraxt singari:
Daraxtlar yuksakka intilgan sari
Chuqurroq ketadi yerga ildizlar.
Bezovtalik

Bola edim. Oyijonim yosh,
Zebigardonlari yarqirar edi.
Sizni yo'qlaganda, asta egib bosh,
Mening ismim aytib chaqirar edi.
Bilmadim, ismimning yo'q edi sehri,
Menda faxr etgulik nima bo'lgandir,
Balki yuragingiz oila mehri,
Iliq hislar bilan to'lgandir.
Har holda, u sizni yo'qlagan choqda
Mening ismim aytib chaqirar edi.
Sizning ko'zlarining esa uzoq-uzoqda
Chaqnagan yulduzday yaltirar edi.
Yoshim, eslolmayman, nechadaydikin,
Oyoq yalang chiqdim kuzatib navro'z.
Umid yulduzingiz so'nmadni, lekin
Siv so'ndingiz, dada, bemavrud.
Okoplardan yana qalqidi dunyo,
Meros qilib oldi uni naslimiz.
Planetaning chakka tomiri go'yo,
Hamon tepib turar notinch asrimiz.
Kecha birdan kimdir meni ilk marta
Ismimga ismingiz qo'shib chaqirdi.
Yoshim endi sizdan bo'lsa ham katta,
Butun vujudimda chaqmoq chaqildi.
Meni chulg'ab oldi bezovta tuyg'u:
Xo'p, mag'rur yurarman eslatib sizni,
Lekin ayni damda dilga tushar g'uluvB"t"
Otalar ismiga munosibmizmi?
Tug'ilish

Tong oldidan yomg'ir sevalab o'tdi.
Keyin ko'k ochilib, yog'di yulduzlar.
Yerdan hovur ko'tarildi, xuddi
Qimirlagan kabi zimdan ildizlar.
Qimgadir muqaddas bir zum yaqinladi
Qorovul o'chirdi so'nggi fonarni.
Iyul' quyoshining ilk yolqinlari
Yaproqlarga sachrab yonardi.
Yer yosh; soflik jimirlatar etni,
Zoriqsan g'unchalar ochildi bog'da.
Panjaradan oshib chiqib ketdi
Maysazorda yurgan yashil shabboda.
Eshikdan eshikka yugurib yelardi,
Suyunchi so'rardi, suyunchi.
U go'yo taqdirni oldan bilardi,
Go'yo yo'q dunyoning g'ami, kuyunchi.
Iymanibroq turar ota poygakda,

Ko'ksida yulduzi, bir qo'li mayib...
 Ichkarida esa, oppoq choyshabda
 Jahonning umidi yotar jilmayib.
 * * *

Bilmadim, yo'lingga kimlar bo'ldi g'ov,
 Bezidi kulbamdan fayzu farishta.
 Ko'ngil mulkim mening alg'ov-dalg'ov,
 Qayt, dunyomni qilgil sarishta.
 Bari o'lida-jo'lida b"ro'zg'or, his, xayol...
 Sening qo'llaringga hammasi mushtoq:
 Quvonch gullarimga suv sep. sohibjamol,
 Qaytib, ko'zlarimning yulduzni yoq.
 Tongdek balqi eshilgimdan kirib,
 So'ngan o'choqlarim yonsin mehringdan.
 Bunda hamma narsa sening bilan tirik,
 Bunda har mo"jiza sening sehringdan.
 Xayol zulmatiga soching chulg'anar,
 Qiynar ilk nigohing mangu lahzasi.
 Devorda soyadek es-es to'lq'anar
 Tungi bo'salarning sirli lazzati.
 Aytsang-chi, yo'lingga kimlar bo'ldi g'ov,
 Bezd-i-ku kulbamdan fayzu farishta.
 Ko'ngil mulkim mening alg'ov-dalg'ov,
 Qayt, yana dunyomni qilgil sarishta.
 Noma'lum Soldat

Jasorat maydonib b"sahna emas, ha.
 Bo'lishi shart emas guvohlar.
 Ba'zan jasoratga guvoh shunchaki
 Nomsiz tepaliklar, tonglar, giyohlar
 U tong kabi balqib tug'iladi
 Pinhona, har kimning qalbida.
 Xalq balki bilmash, u sodir bo'lar
 Faqat vijdon, vijdon oldida!
 Bugun gul ko'tarib kelganlarb b"unga
 Bobodir, singildir, onadir...
 U tarix qa'rida qolsa-da o'zi,
 Bizni kelajakka chorlab yonadir!

* * *

P'ezar' ertalabdan noxush edi bog'da,
 Dunyo ko'z o'ngida begona, erish.
 Xunuk bir tush ko'rди. Ruhi alag'da.
 Tushda o'z onasin zo'rlagan emish...
 Darhol chorladi u kulli ulamo,
 Munajjimlar, folbinlarini.
 To ta'bir etilsin bu mudhish ro'yo,
 Istiqbolimi bu, oldinlarimi?
 Ular jahongirni tang qoldirdilar,
 Tush emas, bu omad sitorasi, deb.
 Zaminga hokimlik ishorasi, deb,
 Botin niyatlarin o't oldirdilar.
 Ha, Zamin... Ona-Yer! Cheksiz olamda
 Tiriklikni tuqqan yagona manzil.
 Uni tahqirlayman degan har banda,
 Har xudob b"razil...
 Ikki Gul

Endi aytsam aytta qolay,
 Ancha bo'ldi bu gapga.
 Bir yosh suluv qizcha bilan
 O'lirardik egatda.
 Lov-lov yonar, kamgap ekan,
 Men so'zini kutardim.
 U iymaniq yerga qarar,
 Men savolga tutardim.
 Xayol ketib qolar edi:

"Ko'zлari mucha tiyrak..."
 Ammo bugun men u haqda
 Xabar yozishim kerak.
 Shuning uchun ishga o'tdim,
 Tiyib bebosh o'ylarni.
 Javoblari chala-chulpa,
 Ro'mol uchin o'ynardi.
 "Ha, jo'yakka yo'l solamiz
 Shabnam ko'tarilganda..."
 "Ha, shturval og'ir, lekin
 Qiyin emas bilganga".
 Quyosh tapti yonog'ida,
 Manglayida - sepkili.
 Nafasidan sezilganday
 Sirli tonglar epkini.
 Uzoqlarga tikeladi,
 Uzoqlarda qorli tor.
 Gap ololmay qiynalaman,
 Qiz ham menga xayrixoh.
 "Ha, charchayman... lekin, qarang,
 Oq bulutlar qalqidi..."
 U turganda izlaridan
 Chaqmoq hidi anqidi.
 Birga turdi paxtazorning
 Tarovatli yellari.
 Ko'z o'ngimda kombinezon
 Siqib turgan bellari.
 ...Yozolmadim maqolani,
 Chiqmasligin bilgandim.
 Lekin o'sha uchrashuvda
 Bir nimani o'rgandim.
 Mehnat qilgan o'zi bilar
 Uning ichki ziyyosin.
 So'zlab berish mushkul ekan
 Mehnat poeziyasin.
 Derlar: she'ru mehnat guli
 Dil to'rida bitibdi...
 She'riyatning sirlarini
 Kim ham bayon etibdi?
 Uni bayon etib bo'lmas,
 Qancha kuch sarflamang.
 Gul atrini hidlab biling,
 Gul atrin ta'riflamang.
 Deraza Yonida

Sil'va Kaputikyandan
 Senga intizorman.
 Xira darpardalar...
 Tungi chorrahaday dunyoyim bo'm-bo'sh.
 Jimlikni sehrlab ko'char sharpalar,
 Har qadam tovushidan qalbimda junbish.
 Hamon umidvorman,
 Qalbim malikasi!
 Sog'inch va alamdan tun ham zim-ziyo.
 Yana uzoqlarda shoshqin qadam sasi,
 Bu ham o'tarmikin, to'xtarmikin yo?..
 Evoh,
 Bu ham to'xtamadi, o'tdi.
 Qalba zardob bo'lib tomdi o'kinchi.
 Qalb zirqirar,
 Chunki uni xuddi
 Toptab o'tar edi har bir o'tkinchi...
 Kuz

Kuzgi bulut kelib oqshom asnosi
 Bog'lar etagida ko'zdan yo'qoldi.
 Silkitib usfqning o'tli tasmasin,
 Chinor taglarida ko'lmak suv qoldi.

Chinor so'ng bor sezdi tanida iliq,
 Pildirab tushganda oxirgi yaproq.
 Suvni chayqadiyu bir zumlik titroq
 So'ng yana jim bo'ldi, osmonday tiniq
 Ko'lmakda shafaqning bir tomchisidek
 Yonardi chinorning so'nggi tuhfasi...
 Bejizmas, shoirning ilhomchisi deb
 Seni ataydilar, ey o'ychan fasl!
 Shamol

Tunlari intizor kutasan xabar,
 Eshik g'irchillasa uyqung qochadi.
 Bilmasmiding axir shu paytga qadar:
 Ba'zida eshikni shamol ochadi...
 Bilmasmiding, shamolb>To"engil, daydi;
 Unga muhabbat ham, taqdir ham arzon.
 Bugun sochlaringni silab erkalaydi,
 Ertaga bog'larni etadi hazon.
 Yaproq

Ochil buva yuzga qo'ydi qadam.
 Chinor chorlar uni, yolg'iz umrdosh,
 Faqat chinor uning dardiga hamdam.
 Qolgan hamma narsa, hatto vodiy ham,
 Undagi dengizlar, daryolar ham yosh.
 Turdi, har kungiday, eldan ilgari.
 Huvillab yotardi kimsasiz guzar.
 Hazonga burkan mish sayhon chimplari.
 Buva ko'nglidagi o'ylar singari
 Ko'kda pag'a-pag'a bulutlar suzar.
 Kech kuz, souvuq. Chinor yalang'och.
 Shoxlari qizlarning siynasiday oq.
 U tayyor, u kutar, u qishga muhtoj;
 Faqat bir butoqda, go'yo noiloj,
 Qaltrab turibdi yagona yaproq.
 Buva, titrab oq kipriklari,
 Tixilib qoldi, go'yo o'z taqdiriga.
 Yonida yo'q yashil, tiriklari,
 Uzilib uchgan minglab sheriklari,
 Nega shafqat qilgan shamol biriga?
 Izg'irinlar uni yulib ketmabdi.
 Bu yilgi bahorning so'nggi merosi.
 Ayozlarning unga kuchi yetmabdi,
 Hamon ilinib turar. Demak bitmabdi
 Tomirlardan kelgan hayot shirasi.
 Buva ilk bor sezdi g'alati to'yg'u.
 Yolg'izlik... Sariq barg sal shitirlardi.
 Quzning och shamoli kezardi g'uv-g'uv.
 Izg'irinda cholga chinorning mangu
 Yashil shovullashi eshitilardi...
 Chashma

U ketdi. Qishloqning bo'z bolalari
 Uni bir ko'rmoqqa hamon tashnamiz.
 Uzoq emas chog'i kent oralarib>To"
 Bir kun chorlab keldi oydin chashmamiz.
 Qaytib ketar ekan, chashma sathida
 Yulduzlar bezovta tebranib qoldi...
 Turmagan edi-ku bu qiz ahdida,
 Nega chashmamizdan yana suv oldi?
 Yurak

Qalb, chida! Sendagi bu yangi tuyg'u
 Utday xavfli, bemavrud va yosh...
 Sir bo'lib qolsin u qa'ringda mangu,
 G'amu shodliklarga bergansan bardosh.
 Tasavvur qil, axir, hammaga hamma
 So'zlasi dardini, shikoyatini,

Aytib beraversa har bir qadamda
 Ezgu muhabbatin hikoyasini.
 Aytib beraversa barchaga barinb "B
 Omadu judolik va yonganini,
 Rashk, umid, alami va afsuslarin,
 Aldagani, quvonganini.
 Yurak sirlarini yoysa olamga,
 G'uissa ummonida g'arq bo'lar edik.
 Baxt quvonchda suzgan barg bo'lar edik,
 Joy ham qolmas edi balki odamga...
 Xayriyat, bub "B har kimning o'z ishi,
 Har kim o'z ichiga yutib yuradi.
 Ishqilib, mard bo'lsin bu ishda kishi,
 Daryoday keng bo'lsin inson yuragi!
 Erkin

Sovuq edi, oq quvoqlar shumshuk;
 Qushlar bo'g'otlarga kirib berkingan.
 Faqat bitta hurpaygan chumchuq
 Nimadir kutardi bizning Erkidan.
 Nimasi bilandir unga o'xshagan
 Erkin ham qo'l cho'zdi, kaftida ushoq.
 Bexos ehtiyyotlik qochdi qushchadan,
 Eski oshnasini topganday shu choq,
 Shoxdan shoxga toshday otildi,
 To'kib quvoqlarning kumush ninasin.
 Sovuq yumshab, izg'irin ham tindi,
 Deganday: orada noz hurkimasin.
 - Men bulbul emasman, yoki musicha,
 Maylimi? - deganday chumchuq o'zicha,
 Churqillab, goh qarab uning aftiga,
 Uchib kelib, qo'ndi kaftiga.
 - Dadil bo'l... - deb Erkin, baland tutdi,
 Erish qitiq sezdi barmoqlarida,
 Saxovat quyoshi yonardi xuddi
 Sovuqdan qizargan yonoqlarida.
 Har bir ishchan, sersavlat kishi,
 Shu yerda qadamin sekinlatardi.
 To'xtab xotin-xalaj, unutar ishin,
 Bobolar soqolin selkillatardi.
 To'xtab qolardilar. Chumchuq emas, go'yo
 Mo"jiza topganday bola kaftidan,
 Ko'zlarida quvonch bir dunyo
 Jindak ezgulikning oddiy taftidan.
 Quyosh

Oftob chiqdi olamga,

Yana yoniq, yana yosh.

Shunday saxiy, shunday saxiy

Har tomchidab "B bir quyosh!

Har qorachig' tubida u

Quvonch bo'lib yonadi.

Quyosh mening bog'larimda

Sharbat bo'lib tomadi.

Charaqlaydi oynalarda,

Hamma unga intizor.

Hali uning ishi ko'pdir,

Hali kechga ancha bor.

Charchaydi u, chanqaydi,

Uni yo'lida kutaman.

Qirov qo'ngan gulbargni

Kaftlarimda tutaman.

Olov yollarini silkib

Toliqqan otday yuvosh,

Issiqina kaftlarimdan

Shabnam ichadi quyosh!

Mangulik

This is not registered version of TotalDocConverter
O'zbek tiliga tayyor qilincha, dastur

Jilg'alar o'ladi.

Uzoq-uzoq yangrab zamонлар аро

Qо'shiqlar so'ladi.

Yorug' yonib,

Shon-shuhratga qonib,

Yulduz o'chadib Ѽ"

Yo'qlik dunyosiga ko'chadi.

Goh havas qilaman...

Lekin aslida:

Men u ham bo'lmasam,

Bu ham bo'lmasam.

Tabiatday bo'lsam:

so'lsam-da faslida,

Sira o'lmasam!

* * *

Bilaman: yillarning oqimi

Qonimnisovutar qalbimda.

Lekin yillarimning asili

Bari bir Ѽ"oldinda.

* * *

Hujayramning har bir bo'lagida

Ajdodlardan meros qonim bor.

Sahrodagi karvon yo'llarida

Yozilmagan ezgu qonum bor:

Olislardan kelgan tashna musofir

Nogoh bir manzilda quduq topadi.

To'yib ichgandan so'ng, geolog, shofyor,

Irg'ay, yovshan bilan ustin yopadi.

Toki qum bosmasin quyunlar kelsa,

To yamlab ketmasin quyosh yolqini.

Undan keyin kelgan notanish kimsa

Topsin qatralarning jonbaxsh salqinin.

Men bilishim kerak, bilishim kerak,

Bir savol qalbimga larza soladi:

Ajdodlardan meros qonimdan bo'lak,

Mendan izdoshlarga nima qoladi?